



«Қазақстан халқына» қоғамдық қоры  
Қамқоршылық кеңесінің  
2024 жылғы «05» тамыздағы  
№ 63 шешімімен  
**БЕКІТІЛГЕН**

### «Қазақстан халқына» қоғамдық қорының Жарғысына өзгерістер мен толықтырулар

«Қазақстан халқына» қоғамдық қорының Жарғысына мынадай өзгерістер мен толықтырулар енгізілсін:

1) 1.1-тармақ мынадай редакцияда жазылсын:

«1.1. «Қазақстан халқына» қоғамдық қоры (бұдан әрі - Қоғамдық қор) - әлеуметтік, қайырымдылық, мәдени, білім беру және басқа да әлеуметтік пайдалы мақсаттарды көздейтін азаматтар мен заңды тұлғалардың ерікті мүліктік жарналары негізінде Қазақстан Республикасының Азаматтық Кодексіне, Қазақстан Республикасының «Коммерциялық емес ұйымдар туралы» және «Қайырымдылық туралы» Заңдарына сәйкес құрылған, мүшелігі жоқ коммерциялық емес қайырымдылық ұйымы.»;

2) 1.3-тармақ мынадай редакцияда жазылсын:

«1.3. Қоғамдық қордың негізгі мақсаты ретінде табыс алу емес және алынған таза табысты құрылтайшылар (қатысушылар) арасында бөлуге құқығы жоқ.»;

3) 1.4-тармақ мынадай редакцияда жазылсын:

«1.4. Қоғамдық қордың оқшауландырылған мүлкі бар, дербес балансы, валюталық шоттары, мемлекеттік және орыс тілдерінде өз атауы жазылған дөңгелек мөрі, фирмалық бланкілері және заңды тұлғаның басқа да атрибуттары бар.»;

4) 1.5-тармақ мынадай редакцияда жазылсын:

«1.5. Қоғамдық қор Қазақстан Республикасы заңнамасының талаптарына және осы Жарғыға сәйкес мәмілелер жасасуға, мүліктік және жеке мүліктік емес құқықтарды сатып алуға, сотта талапкер және жауапкер болуға құқылы.»;

5) 1.6-тармақ мынадай редакцияда жазылсын:

«1.6. Қоғамдық қорға оның құрылтайшылары берген мүлік Қоғамдық қордың меншігі болып табылады. Қоғамдық қордың құрылтайшыларының Қоғамдық қордың мүлкіне мүліктік құқықтары жоқ. Қоғамдық қор оның құрылтайшыларының (қатысушыларының) міндеттемелері бойынша жауап бермейді.»;

6) 1.7-тармақ мынадай редакцияда жазылсын:

«1.7. Қоғамдық қор Қазақстан Республикасының аумағында филиалдар мен өкілдіктер ашуға, Қазақстан Республикасының заңнамасына сәйкес басқа заңды тұлғаның құрылтайшысы (қатысушысы) болуға құқылы. Қоғамдық қор заңды тұлға, филиал және өкілдік құрылатын мемлекеттің талаптарына сәйкес Қазақстан Республикасынан тыс жерлерде филиалдар мен өкілдіктер ашуға, басқа заңды тұлғаның құрылтайшысы (қатысушысы) болуға құқылы.»;

7) 1.9-тармақ мынадай редакцияда жазылсын:

«1.9. Құрылтайшылар (қатысушылар), Қамқоршылық кеңес мүшелері, Басқарма мүшелері, сондай-ақ қоғамдық қордың қызметкерлері өздерінің кәсіби



функцияларын мүдделер қақтығысының туындауына жол бермей, Қоғамдық қордың мүддесінде тиісті қамқорлықпен және сақтықпен адал әрі ақылмен орындайды.

Мүдделер қақтығысы құрылтайшылардың (қатысушылардың), Қамқоршылық кеңес мүшелерінің, Басқарма мүшелерінің, сондай-ақ Қоғамдық қор қызметкерлерінің жеке мүдделері лауазымдық міндеттердің бейтарап орындалуына әсер ететін немесе әсер етуі мүмкін жағдай ретінде анықталады.

Бар және/немесе ықтимал мүдделер қақтығысын айқындау, анықтау және басқару процесін реттеу және бақылау тәртібі Қоғамдық қордың мүдделер қақтығысын басқару саясатымен реттеледі.»;

8) мынадай мазмұндағы 1.13-тармақпен толықтырылсын:

«1.13. Қоғамдық қор мүлкінің мөлшері мен құрамы туралы, оның шығыстары туралы мәліметтер коммерциялық құпияның нысанасы бола алмайды.»;

9) 5.2-тармақ мынадай редакцияда жазылсын:

«5.2. Қамқоршылық кеңестің құрамы он екі мүшеден аспайды.»;

10) 5.5-тармақ мынадай редакцияда жазылсын:

«5.5. Қамқоршылық кеңес кез келген уақытта Қамқоршылық кеңес мүшесінің өкілеттігін тоқтатуға құқылы. Қамқоршылық кеңес мүшесінің өкілеттігін оның бастамасы бойынша тоқтату Қамқоршылық кеңес төрағасының атына жіберілген жазбаша хабарлама негізінде жүзеге асырылады. Қамқоршылық кеңестің мұндай мүшесінің өкілеттігі Қамқоршылық кеңестің төрағасы көрсетілген хабарламаны алған сәттен бастап Қамқоршылық кеңестің кезекті отырысында тоқтатылады. Қамқоршылық кеңестің жаңа мүшесі екі ай ішінде сайлануға тиіс.»;

11) 5.6-тармақ мынадай редакцияда жазылсын:

«5.6. Қамқоршылық кеңестің төрағасы мен Төрағасының орынбасары Қамқоршылық кеңестің отырысында бір жыл мерзімге қарапайым көпшілік дауыспен ашық дауыс беру арқылы сайланады. Қамқоршылық кеңес кез келген уақытта Қамқоршылық кеңестің төрағасын және/немесе Төрағасының орынбасарын қарапайым көпшілік дауыспен ашық дауыс беру арқылы қайта сайлауға құқылы. Қамқоршылық кеңес төрағасының және/немесе Төрағаның орынбасарының өкілеттіктері олардың Қамқоршылық кеңестің мүшесі ретіндегі өкілеттіктері тоқтатылған күннен бастап тоқтатылады.»;

12) 5.7-тармақ мынадай редакцияда жазылсын:

«5.7. Қамқоршылық кеңес мүшелері өз қызметін тегін жүзеге асырады.»;

13) 5.8-тармақтың 9), 10-1) және 11) тармақшалары мынадай редакцияда жазылсын:

«9) ішкі аудит қызметінің сандық құрамын, өкілеттік мерзімін айқындау, оның басшысы мен ішкі аудиторларды тағайындау, сондай-ақ олардың өкілеттіктерін мерзімінен бұрын тоқтату, ішкі аудит қызметі туралы ережені, ішкі аудит қызметі басшысының және ішкі аудитордың лауазымдық нұсқаулықтарын, ішкі аудит жоспары мен бағдарламасын бекіту, аудиторлық тапсырмаларды белгілеу, Ішкі аудит қызметінің есептерін тыңдау, ішкі аудит қызметінің басшысы мен ішкі аудиторларына еңбекақы төлеудің және сыйақы берудің мөлшері мен шарттарын айқындау;

10-1) Қамқоршылық кеңестің мүшелерін, Қамқоршылық кеңестің төрағасы мен Төрағасының орынбасарын сайлау және олардың өкілеттіктерін тоқтату;



11) Қазақстан Республикасының заңнамасында белгіленген шектерде Қоғамдық қордың басқа заңды тұлғаларды құруға және олардың қызметіне қатысуы туралы шешімдер қабылдау;»;

14) 5.8-тармақ мынадай мазмұндағы 12-1) тармақшамен толықтырылсын:

«12-1) Қоғамдық қор Басқармасын жартыжылда атқарылған жұмыстар, Қоғамдық қор қаражатының нысаналы пайдаланылуы және Қоғамдық қордың әкімшілік шығыстары туралы тыңдау;»;

15) 5.11-тармақ мынадай редакцияда жазылсын:

«5.11. Қамқоршылық кеңестің отырысын өткізуге арналған кворум Қамқоршылық кеңес мүшелерінің жалпы санының кемінде жартысын құрайды және Жарғының 5.14-тармағына сәйкес жазбаша түрде білдірілген дауыс беру нәтижелері болған кезде Қамқоршылық кеңестің отырысына қатыспаған мүшелерін ескере отырып айқындалуы мүмкін.

Қамқоршылық кеңес мүшелері тиісті күнтізбелік жылдағы Қамқоршылық кеңес отырыстарының жалпы санының кемінде жартысына жеке қатысуын қамтамасыз етуге тиіс. Отырыстардың жартысынан азына қатысқан Қамқоршылық кеңестің мүшелері Қамқоршылық кеңес төрағасының ұсынуы бойынша Қамқоршылық кеңестің құрамынан шығарылуға жатады.»;

16) 5.12-тармақ мынадай редакцияда жазылсын:

«5.12. Қамқоршылық кеңестің шешімдерді отырысқа қатысушылар санының жай көпшілік даусымен қабылданады. Қамқоршылық кеңестің әрбір мүшесі бір дауысқа ие болады. Қамқоршылық кеңестің бір мүшесінің дауысын басқа мүшеге не үшінші тұлғаларға беруге тыйым салынады.

Отырысқа қатысатын Қамқоршылық кеңес мүшесінің дауыс беру нәтижелерін бейнеконференцбайланыс, конференцбайланыс (Қамқоршылық кеңес мүшелерінің телефон кеңесі режимінде бір мезгілде сөйлесуі) арқылы, сондай-ақ өзге де байланыс құралдарын пайдалана отырып белгілеу мақсатында Қамқоршылық кеңес мүшесі өзінің дауыс беру нәтижелерінің бейне/аудио сәйкестендірілуін (бейнежазбаны қосу және қолын көтеру не өзінің дауыс беру нәтижелерін дауыстап айту) қамтамасыз етуге міндетті. Әйтпесе, Қамқоршылық кеңестің мұндай мүшесінің дауыс беру нәтижелері дауыстарды санау кезінде ескерілмейді.»;

17) 5.13-тармақ алынып тасталсын;

18) 5.18-тармақ мынадай редакцияда жазылсын:

«5.18. Қамқоршылық кеңестің хатшысы Қамқоршылық кеңестің жұмысын ұйымдастырады, Қамқоршылық кеңестің отырыстарына материалдарды дайындау, қабылданған шешімдер туралы ақпаратты сақтау, ашу және ұсыну тәртібінің сақталуын қамтамасыз етеді және бақылайды. Оған Қамқоршылық кеңес жүктеген өзге де функцияларды орындайды.»;

19) 6.1-тармақ мынадай редакцияда жазылсын:

«6.1. Басқарманы Қамқоршылық кеңес келесі үш жылға мерзімі аяқталғаннан кейін қайта сайлау құқығымен үш жыл мерзімге тағайындайды. Басқарма үш адамнан тұрады және оған Басқарма төрағасы, Басқарма төрағасының орынбасары және Басқарма мүшесі кіреді. Басқарма төрағасын Қамқоршылық кеңес Басқарма өкілеттігінің қолданылу мерзіміне, өкілеттік мерзімі аяқталғаннан кейін келесі үш жылға қайта сайлау құқығымен тағайындайды. Басқарма төрағасының өкілеттігі тоқтатылған кезде Басқарма өкілеттігінің қолданылу мерзімі тоқтатылады. Басқарма осы Жарғыда Қамқоршылық Кеңестің құзыретіне жатқызылған мәселелерді қоспағанда, Қоғамдық Қордың ағымдағы қызметіне басшылықты жүзеге асырады және

И.И.И.



Қоғамдық қор қызметінің мәселелері бойынша шешімдер қабылдайды. Тек Қоғамдық қордың қызметкерлері ғана Қоғамдық Қордың Басқарма мүшелері бола алады.»;

20) 6.2-тармақ алынып тасталсын;

21) 6.4-тармақтың 3) тармақшасы мынадай редакцияда жазылсын:

«3) жылына екі рет Қамқоршылық кеңестің алдында жарты жылда атқарылған жұмыс, Қоғамдық қор қаражатын мақсатты пайдалану және Қоғамдық қордың әкімшілік шығыстары туралы есеп береді.»;

22) 6.5-тармақ мынадай редакцияда жазылсын:

«6.5. Жарғының 6.4-тармағының 3) тармақшасында көзделген жарты жылда атқарылған жұмыс, Қоғамдық қор қаражатын мақсатты пайдалану және Қоғамдық қордың әкімшілік шығыстары туралы есептерден басқа, Қамқоршылық кеңестің отырысына оның мүшелерінің кемінде үштен екісінің талап етуі бойынша кез келген уақытта Қоғамдық қор қызметінің кез келген кезеңі үшін осындай есеп шығарылуы мүмкін.»;

23) 7.2-тармақ мынадай редакцияда жазылсын:

«7.2. Лауазымды тұлғалар Қоғамдық қор қызметінің негізгі мақсаттарына сәйкес емес Қоғамдық қордың мүлкі мен мүліктік құқықтарын пайдалану жөнінде іс-әрекеттер жасамауға тиіс.»;

24) 8.1-тармақ мынадай редакцияда жазылсын:

«8.1. Қоғамдық қорға түскен барлық мүлік пен ақша Қоғамдық қорға меншік құқығында тиесілі және тек қана Қоғамдық қордың жарғылық мақсаттарын іске асыруға жіберіледі.»;

25) 8.2., 8.3., 8.4 және 8.5-тармақтар алынып тасталсын.

---